

REGIONALNI STAMBENI PROGRAM - RSP

Broj: 04-36-1-134-9943/13

Datum: 17.02.2022. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9890-2/13 od 24.11.2021. godine, Federalni ministar raseljenih osoba i izbjeglica **d o n o s i**

O D L U K U
O IZBORU NAJPOVOLJNIJEG PONUĐAČA -
Izvođenje građevinskih radova na rekonstrukciji/izgradnji
9 stambenih jedinica u općini Glamoč,
u okviru Regionalnog stambenog programa - RSP,
BiH2 Pod-projekta, 03/21-RSP BiH2

I

U cilju odabira najpovoljnijeg ponuđača, nakon provedenog otvorenog postupka javne nabavke radovi - Izvođenje građevinskih radova na rekonstrukciji/izgradnji 9 stambenih jedinica u općini Glamoč, u okviru Regionalnog stambenog programa - RSP, BiH2 Pod-projekta, 03/21-RSP BiH2, kao najbolje ocijenjena prihvatljiva ponuda je ponuda ponuđača **G.P. “GRATOD” D.O.O. BANJA LUKA**, sa **ukupnom cijenom ponude sa uračunatim popustom bez PDV - a u iznosu od 596.731,61 KM.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-9890/13 od 03.11.2021. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 563.279,00 KM, bez PDV-a i predviđena je Planom javnih nabavki za 2021. godinu u okviru Regionalnog stambenog programa, pod rednim brojem 03/21-RSP BiH2. Obavijest o nabavci, broj: 668-1-3-69-3-124/21 poslana je na objavu 04.11.2021. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 69/21.

Dva ponuđača su dostavila ponudu u predmetnom postupku nabavke. Ponude su dostavljene blagovremeno. Ponude su dostavili sljedeći ponuđači : “VISAK” D.O.O. MOSTAR i G.P. “GRATOD” D.O.O. BANJA LUKA.

Komisija za javne nabavke, imenovana Rješenjem, broj: 04-36-1-134-9890-2/13 od 24.11.2021. godine, izvršila je pregled i evaluaciju prispjelih ponuda i konstatovala da od ukupno 2 (dvije) dostavljene ponude, 1 (jedna) je prihvatljiva za ugovorni organ, a druga ponuda se odbacuje kao neprihvatljiva.

Ponuda dostavljena od strane ponuđača "VISAK" D.O.O. MOSTAR je neprihvatljiva jer ne ispunjava uslove tražene tenderskom dokumentacijom tačkom: 6.1.4 Tehničke specifikacije - Projektna dokumentacija predmetne nabavke je sastavni dio ove Tenderske dokumentacije (Prilog 12). Ponuđač je dužan ponuditi radove u skladu sa projektnom dokumentacijom – nacrtima i predmjerom radova sa detaljnim opisom potrebnih radova i količinama (Prilozi 3a i 12), projektnim zadatkom za izvođenje radova na izgradnji individualnih stambenih jedinica (Prilog 13) i uslovima koji su navedeni u Tenderskoj dokumentaciji. 8.2.1. Ponuda treba sadržati dokumente : stav (f) jasno navedeno : a)Obrazac za cijenu ponude i predmjeri, sačinjen i popunjen u skladu sa formom koja je data u Prilogu 3 Tenderske dokumentacije, ovjeren i potpisan od strane ponuđača, kao i predmjer radova dat u prilogu 3a (u okviru Priloga 13 – Tehnička dokumentacija) ovjeren i potpisan od strane ponuđača. Predmjer radova mora biti u cjelosti popunjen bez alternativnih rješenja ili nepopunjenih podataka, u protivnom isti će biti odbijen kao nepotpun, a time ponuda proglašena kao neprihvatljiva. Ugovorni organ sugeriše svim ponuđačima da prije dostave ponude još jednom pregledaju da li su sve pozicije iz predmjera radova popunjene. Tačkom 8.4.1 Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascima (Prilog 3, 3a). U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Ponuđač u svojoj ponudi nije dostavio obrazac 3a, koji je na osnovu navedenih tačaka tenderske dokumentacije bio obavezan dostaviti. Tačkom 7.4.1: Što se tiče tehničke i profesionalne sposobnosti, u skladu sa članom 48. i 51. Zakona, ponuda će biti odbačena ako ponuđač ne ispuni slijedeće minimalne uslove: 1.Da je u prethodne 3 godine, računajući period do datuma objavljivanja Obavještenja o nabavci, uspješno izvršio najmanje dva ugovora čiji su karakter i kompleksnost isti ili slični* onima koji se odnose na predmet javne nabavke*, ukupne minimalne (zbirne) vrijednosti dostavljenih ugovora (najmanje 2) 560.000,00 KM.*izvođenje građevinskih radova na rekonstrukciji/izgradnji individualnih/višeporodičnih stambenih objekata. Ponuđač je u svojoj ponudi dostavio dvije potvrde. Od dostavljene dvije potvrde, potvrda koju je izdao Republički sekretarijat za raseljena lica i migracije (str.382) u kojoj je naveden period realizacije ugovora od mjeseca maja 2017.godine, do mjeseca maja 2018.godine, ne ulazi u traženi period tenderskom dokumentacijom, obzirom da je Obavještenje o nabavci objavljeno 04.11.2021. godine, te ista nije prihvatljiva.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9933/13 od 27.01.2022. godine zajedno sa Preporukom da se donese Odluka o izboru najpovoljnijeg ponuđača **G.P. "GRATOD" D.O.O. BANJA LUKA**, sa registriranim sjedištem na adresi u ul. Put srpskih branilaca bb, Banja Luka, ID broj: 4236008380005, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

MINISTAR

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

dr.sci. Edin Ramić